

2012年2月15日 講義

【伏忍】《三藏法數》（科註520頁倒數第3行第190集）

《仁王經》所說五忍之第一。地前三賢之人，未得無漏智，不能斷煩惱，但以有漏之勝智。制伏煩惱，而不使起之位也。忍者慧心安住於法也。大乘義章十二曰：「言伏忍者，就能為名，始習觀解能伏煩惱，故名伏忍。」（三賢者，十住、十行、十迴向諸菩薩也。無漏者，不漏落生死也。）

【法性生身】《佛學大辭典》（科註521頁第8行第191集）

二種菩薩身之一。此法性生身，經論之說，多謂是初地以上，或以為八地以上，如往生論註。智度論七十四曰：「菩薩有二種：一者生死肉身，二者法性生身，得無生忍法。斷諸煩惱，捨是身後得法性生身。」往生論註下曰：「平等法身者，八地已上，法性生身菩薩也。」